

Radøy kommune

Saksframlegg

Saknr	Utval	Type	Dato
038/2017	Formannskapet i Radøy	PS	01.06.2017

Sakshandsamar	Arkivsaknr.:	Dokumentnr.:
Sveinung Kvamme	17/1032	17/6834

Innleiande drøfting økonomiplan 2018-21

Saksopplysingar:

Rådmannen ønskjer ei innleiande drøfting kring økonomiplan 2018-21, først og fremst kring investeringar i økonomiplanperioden, men også generelle føresetnader for drifta.

Rådmannen sitt framlegg til vedtak:

Formannskapet i Radøy - 038/2017

FS - handsaming:

Rådmannen ønskjer ei «fri» politisk drøfting kring investeringstiltak i økonomiplanperioden 2018-21. Han understreka at arbeidet med økonomiplan er eit viktig arbeid inn mot ny kommune. Rådmannen peika på at utgangspunktet for oppstillinga nedanfor er basert på politiske signal som er fanga opp så langt, knytt til økonomiplan og intensjonsavtalen for kommunesamanslåinga. Ein av strategiane er å gjera Manger sentrum meir attraktivt. Ordførar Jon Askeland peika på at tiltak for å sikra tenester og vekst på Manger er særskild viktig på veg inn i ein ny kommune.

Kommunalsjef for drift og forvaltning, Lisbeth Alver, orienterte om arbeidet som er igang for å sjå på framtidens bruk av mellom anna rådhuset og gamle Prestegarden, for å sikra at det er liv og aktivitet i desse bygga også etter at kommunesamanslåinga. Det blir no gjennomført ein "mogleighetsstudie" for å få vurdert kva aktivitetar det er mogleg å leggja inn av tenester og aktivitetar innanfor bygningsmassen, og kva kostnadene vil vera. Alver sa at plassering av bibliotek er ein del av denne vurderinga. Målet er å bidra til å skapa liv i Manger sentrum. Eit konsulentfirma vil leggja fram skisser og kostnadsvurderingar til ulike løysingar.

Kommunalsjef Jo Tømmerbakke orienterte om behovet som melder seg for fleire klasseroms i tilknytning til større kull på Manger skule om nokre få år. På ungdomsskulen er det behov for å gjera noko med naturfagsalen, som er slitt. Det er også behov for å utvida kapasiteten knytt til Utstillingshallen frå 170 til 250 personar, ikkje minst for å kunne samla alle elevane på skulen.

Det vart også ei drøfting av vidare bruk av DPS-bygget. Ein mogleg bruk av bygget kan vera å samla barnehageavdelingane knytt til Prestmarka barnehage her.

Formannskapet drøfta også ei mogleg flytting av brannstasjonen (ved Velferdssenteret) og ta i bruk

desse lokale til t.d. omsorgsbustader. Kommunalsjef helse og omsorg, Mette Fauskanger, reknar med at det vil vera behov for fleire omsorgsbustader framover, og synest det er ein spennande tanke med slike bustader tett sentralt ved institusjonen. Ho peika også på at det kan vera naturleg med eit utvida dagsenter knytt til denne "omsorgsklynga".

Formannskapet helsa velkommen rådmannen sine vurderingar og aktuelle problemstillingar knytt til økonomiplan-arbeidet og sett i samanheng med kommunesamanslåinga.

Oppstillinga nedanfor var lagt fram for formannskapet som eit grunnlag for vidare drøfting, og som grunnlag for vidare saksutgreiing, først og fremst til økonomiplan 2018-21, utan at oppstillinga legg føringar for endelege prioriteringar.

Prosjekt	2018	2019	2020	2021	Seinare
Manger skule – tilbygg, ombygging					
Radøy ungdomsskule, oppgradering utstillingshall, naturfagavd.					
Austebygd barnehage, småbarnsavd					
Hordabø skule, tilbygg?					
Barnehageløysing Manger					
Omsorgsbustader, dagsenter knytt til Velferdssenteret (krev flytting av brannstasjon og teknisk stasjon)					
Omdisponering, ombygging, bustader omsut, ref også Grønålen					
Oppgradering Prestegarden					
Ombygging rådhuset					
Ny brannstasjon, teknisk stasjon					
Kollektivterminal Manger - Austmarka?					
Radøyhallen, området rundt?					

Formannskapet gjorde ikkje vedtak i saka.

FS - vedtak:

Det vart ikkje gjort vedtak i saka.